

四庫全書

集部

欽定四庫全書

集部

御定歷代賦彙卷十五

詳校官檢討<sub>臣</sub>劉炘

主事銜<sub>臣</sub>徐以坤覆勘

總校官編修<sub>臣</sub>王燕緒

校對官中書<sub>臣</sub>陸湘

謄錄監生<sub>臣</sub>唐淮

欽定四庫全書

御定歷代賦彙卷十五

地理

華山賦

有序

唐楊敬之

臣有意諷賦久不得發偶出東門三百里抵華嶽宿於  
趾下明日試望其形容則縮然懼紛然樂蹙然憂歎然  
嬉快然欲追雲將浴於天河浩然毀衣裳晞髮而悲歌  
怯欲深藏果欲必行熱若宅爐寒若室冰薰然以和怫

然不平三復晦明以搖其精萬態既窮乃還其真形骸以安百鈞去背然後知身之治而見其難焉於是既留無成辭以長歎儵然一人下於崖金玉其聲霜雪其顏傳則有之代無其鄰姑射之神蒙莊云始不敢視然得與言粲然笑曰用若之求周大物用若之智窮無端三四日得無顛倒反側於胷中乎是非操其心而自別者邪雖然喜若之專而教若之聽無多傳

嶽之初成二儀氣凝其間小積焉為邱大積焉為山山

之大者曰嶽嶽其數五余尸其一焉嶽之尊燭日月居  
乾坤諸山並馳附麗其根渾渾河流從南而來自北而  
奔姑射九峻荆巫梁岷道之云遠今徒遙而賓嶽之形  
物類無儀其上無齊其傍無依舉之千仞不為崇抑之  
千仞不為卑天雨初霽三峰相差虹蜺出其中來飲河  
濱特立無朋似乎賢人守位北面而為臣望之如雲就  
之如天仰不見其巔肅何芊芊蟠五百里當諸侯田獄  
之作鬼神反覆蛟龍不敢伏若歲大旱鞭之朴之走之

馳之甘雨爛漫百川東逝千里而散噫氣蹶然怒乎幽巖漸於人間其聲瀏瀏嶽之殊巧說不可窮見於中天  
浮浮而掌莪莪而蓮起者似人伏者似獸均者似池洼  
者似臼歌者似弁呀者似口突者似距翼者似抱文乎  
文質乎質動乎動息乎息鳴乎鳴默乎默上上下下千  
品萬類似是而非似非而是其無繕人事吾焉得畢議  
今作帝耳目相其聰明下矚九州在宥羣生初太易時  
其人俞俞其主人者始乎容成卒乎神農中間數十君

姓氏可稱其徒以飲食為事未有仁義時哉時哉又何足涖是後敬乎天成乎人者必闢其心假其神與之齡降其人故黃有盛德蚩尤為賊生物不遂帝乃用力大事不可獨治降以后牧三人有心烈火就撲其子之子其孫之孫咸明且仁雖德之衰物其所宜由夏以降湯發仁以王癸受暴以亡甲戌誦釗不敢有加唯遵其常事國遂長天事著矣莫見乎高而謂其茫茫余受帝命億有萬歲而不敢怠遑臣贊之曰若此古矣祖矣大矣

異矣富矣庶矣駭矣怖矣上古之事粗知之矣而神之  
言又聞之矣然神起居於上宮室於下如此而久矣其  
所見何如也曰見若咫尺田千畝矣見若環堵城千雉  
矣見若杯水池百里矣見若蟻垤臺九層矣醯雞往來  
周東西矣蟻蟻紛紜秦速亡矣蜂窠聯聯起阿房矣俄  
而復然立建章矣小星奕奕焚咸陽矣累累繭栗祖龍  
藏矣其下千載更改興壞悲愁辛苦循其上矣臣又聞  
云古有封禪今讀書者云得其傳云失其傳語言紛綸



於神何如也曰若聞聖人撫天下既信於天下則因山  
嶽而質於天不敢多物若秦政漢徹則率海內以奉祭  
祀圖福其身故廟祠相望壇墠逆遷盛氣臭夸金玉聚  
薪以燔積灰以封天下怠矣然猶歉歉不足秦由是替  
漢由是弱明天子得賢者在位能者在職廟堂之上垂  
衣裳而已封禪存可也亡可也

華山賦

有序

唐

達奚珣

太華之山削成四面方直者五千餘仞蓋嶽之雄也往

因行邁望之不及今來何幸作尉於茲因而賦之以歌  
厥美

華山惟嶽羣嶽之雄天開厥狀神致其功昔與襄山連  
岡不絕河水長注橫流曲折神元再造拓崖而兩分仙  
掌常存倚天而迴列其後多歷年所至於夏王窮地絡  
正乾綱綠甲之功既就玄圭之業有光定我祀典因為  
舊章同夫三事偉哉煌煌徒觀其倚伏而起削成而峻  
作秦塞之高標為豫州之巨鎮其南接楚其北臨晉嶽

乎數都之間豈惟直上者五千餘仞遠疑將適近若將  
騰氤氲綠潤靈霽青凝發地壁立連天石稜披重霄而  
自致與元氣而相陵旁望羣山兮盡為幽側猶夫南面  
兮用資峻極巍巍乎掩夏雲之奇峰蒼蒼然合秋天之  
正色近壓闕輔載樞京國此其所以為嶽者也若乃人  
寰不遠勝氣常清石含古色泉落秋聲懸巖蔽虧謂乾  
坤之闔闢洞壑幽邃汎雷雨之滿盈恍恍乎又似龍虎  
潛伏鬼神含精伊彼崇林望之盡目參浩氣而森秀俾

斷山之遙矗仙草殊品靈花異族不以無人而不芳香  
風麗乎函谷皆負靈造是潤是黷具物靈繁故難詳鞠  
蕭條世俗髣髴神仙玉女明祠星壇尚在羊公舊室石  
榻常穿霧雨迷處雲臺巍然則知大象所存何有於古  
列真攸萃寧獨於先國家南正司天北正司地人神不  
擾方嶽定位森森象設之若生懔懔威稜而可畏宗伯  
制禮巫咸視事殺氣每登駢剛必備蓋所謂敬而無黷  
厲夫精意此則邦之禮物也受命如響依人而榮攸歆

盛德載答嘉生不憊旬時作為雲雨白漿既挹黃玉斯  
睹隕止如山永康中土此則神之叶贊也物被山嶽非  
無壯麗或隱峰於羣嶺或結根於荒裔空聞象外之談  
何貴人間之世而我直兩都之大道當三條之正中偏  
近日月高謝紛濛通天之氣成天之功鑾輅常幸聲明  
有融能事無爽揚言莫窮舉天下而爭長故難可比而  
崇

華山賦

明  
許 讚

噫吁巍哉華山質聳千萬餘丈於鼇極之初分其高無  
垠根蟠千萬餘里於混元之始判其大孰倫突出雲表  
直指天津噴吐風雷拂拭星辰慨自洪荒以來義農之  
創則軒唐之造鈞舜禹治績湯武革因皆興起於嶽麓  
之左右孰不法象乎夷則而仰遵乎明神迨夫秦漢以  
下則但知陳玉帛以徼福具牲醴以致禋而已孰知嶽宰  
西方秉灝靈掌商政令肅貞上天付以收斂効實之  
名號委以清汰勁政之權衡凡物之未過者不阻其長

養物之太盛者必伏其裁成故月無琴次日無逆行雲  
無妄發雨無妄晴禾稼不得過時而暢鬱草木不得蕃  
候而妍英夫西行為金金禁也物之流湓茂濫過常度  
矣禁止之而不得肆金色為白白質也物之炫耀文采  
失本原矣白還之使歸於情匪曰摧其華節之則復生  
匪曰傷其英歛之則復榮此嶽之性情司令通萬古徹  
八垓而無息無更者也以言其景象則黃河洶湧望嶽  
而南注者若朝徑渭潺湲遵嶽而東過者如緯玉井澄

冷兮時寶蓮之奇祥月嶽窈窕兮森蘿藤之芳蔚  
柯兮蒙古樹之槎枒觀白雲兮聽飛泉之鼎沸其至奇  
者五指嵯峨於凌巔千載具言而可畏名為仙掌不知  
何謂豈以制引烟霧虹蜺而節宣化理抑指麾垣度辰  
躔而佐調元氣乎其名曰華者則以其亭亭萬丈而巖  
巒交匝靈秀萬狀而四出如蜩礫砢無窮稜層難既依  
稀乎紅紫蔥蒨乎蒼翠或析瓣分枝或呈葩衍類望之  
者真如芍藥芙蕖而四面互植玉樹玫瑰而千章交蒂



也名之曰華是為可貴

華山仙掌賦

以化作有端遙存麗壯為韻

唐

尹

樞

覽削成之峰見靈掌之狀拓跡崇岫據奇疊嶂迨亭上  
竦赫奕東向高蹤可觀猶存二華之間纖指遙臨遠蹠  
重霄之上爾其依峭壁據崇巒排物外撫雲端羽客遐  
指都人竦觀據開闢之殊致若騰陵而上干惟昔巨靈  
啓斯太華拓崇崇而喬嶽西靡決浩浩而洪流東下故  
能遵八川安萬化幹厚土存中夏姜嫄歆於帝武跡可

相倫伯禹導於龍門功亦齊霸厥道可遵厥狀斯存仰  
摧天漢遙臨國門蓮萼高生如將寥擷桂枝傍倚狀欲  
攀援試冥搜於玄造諒遺跡於坤元若乃傍攀冥蒙上  
指寥落右倚岑嶺左臨絕壑紛詭狀之無朕諒神功之  
有作星壇未沒必俟於捧持石鼓常鳴庸非其拊搏揖  
之永久斯為不朽嗟列嶽之所無小終南之何有喻天  
地惟資於一物拯沉溺宣藉於煩手常抗跡於介石乃  
遺芳於崇阜依乎沕寥揭彼嶢嶢聳眎眎於千仞擢纖

纖於九霄折若華於暮景捧麗日於晴朝既瞻眺之無  
數望提攜之匪遙共仰瓊姿徒懷壯麗如排霧零似拂  
昏曄遐窺巨跡猶存體物之辭迴瞰崇朝暫寫凌雲之  
勢

仙掌賦

以指字極瞻我  
然秋碧為韻

唐  
喻  
餗

行盡煙蘿仙峰隱嶙今高掌巍我無得而踰扼金方之  
險固不言而信指秦地之山河觀其巋肩削成崆峒遠  
蹠幹開元氣剖破凝碧五千餘仞今似假扶持百二之

都兮如能指畫每勞瞻望徂秦適洛之人誰可攀援駕  
鶴騖驚之客勢比捫天形標一拳旁臨而靄靄無際直  
上而巉巉克全稍謂動搖帶晨光而耀若如同拊擊聞  
石鼓以轟然可以引羣生麾八極孤標承露之狀想蓄  
拔山之力霽雨飛盡見毛女同掌上之人嵐岫叢分封  
蓮峰為握中之色勢孤聳於巖巖形不類於纖纖拆煙  
霧以斯出控闕防而可瞻夕清而丹桂輪低疑將褫佩  
晝短而六龍駕逸似欲攀髯拏攫難窮規模酷似莓苔

剝綠以盈握，葛藟駢青而繞指。因罅裂以文成，偶嵌空而脈起。齊大道之悠久，挈坤維之綱紀。有客西遊，時當凜秋。始憑軾以遐睎，惟攀雲而寫憂。吾聞太華中立黃河，西流有巨靈。今受天之命，擘竒峰兮裂帛。斯柔故得一帶，東引致洪濤而直注。千尋西峙，標異跡以長留。况乃豫鎮稱雄，秦城是仰。沉潛之右臂，斯見示化之前蹤。可賞豈非大壯，皇都制遐荒而示諸掌。

仙掌賦

以白帝西下黃河北來為韻

唐房元洛

造化巍巍表迹西夏蓄巨靈之巔負擇雄峰以照寫迴  
抗羣嶽旁臨九野誰謂河廣我則視之於掌中誰謂山  
高我則數之於指下駭乎哉當其清濁未判兆朕未彰  
孰謂真宰廓此殊常奠峻嶒之蔥翠分靈掌之玄黃直  
指無虧受金莖之勁質如山不動合仁義於聖王爾其  
雲散天澄煙消雨霽旭日暉映陰崖虧蔽狀若拍紅霞  
之霏微捧清霄之搖曳察其迹也雖見於東峰混其嶽  
焉是配於秋帝及乎蓐收謝玄冥格日彩寒霜氣白上

捫星漢左控虞虢南聳羣嶺北臨廣陌將招泛槎之仙  
如指迷途之客至其嵐翠朝鬱輕雲夕過桂影依稀而  
流照松風髣髴而扇和時也靄靄溶溶疑掩冰紈之被  
蒼蒼幕幕如揮舞袖之羅功洽於人則擘太華攀長河  
俾安流而不極適徂東而自北千古獲其永賴兆庶階  
於壽域同彼補天之功陋其拔山之力然而山匪我開  
功匪我裁班形今古任質徘徊人之睹也因似而生意  
靈之契也曷究其從來風物已淒我來自西駭高掌之隱

嶙思元化之端倪願稅駕以攀覽庶登路而見攜

掌山蓮峰賦

以題為韻

唐 呂令問

衆山邈迤曾何足仰未若太華崑崙為之長削成三峰壁立千丈伊昔太虛結而為山伊昔巨靈拓而為掌擘開元象崛起厚壤當少陰而德合秋成據丁酉而氣涵金爽深沉其色菡萏其狀雲霞不映而其勢彌雄塵露將裨而其高靡讓掌形仙躋石容天壯雖造次於自然若錫磨於意匠晦夕霧而羣峰乍隱煦朝陽而衆壑相向



由是考圖籍高為四嶽之先盼靈竒勢出九天之上若  
乃雲搖羽蓋鶴挂飛泉危峰並吐巨掌高懸異蓬萊之  
鰲泛海若崑崙之柱承天清露降零小為盤而仰漢陽  
烏假道疑覆日之孤蓮不但予先之霓裳時見羊公之  
石榻仍全況乎運啓皇家應河源而降望豈比詩歌周  
德羨嵩甫之生賢者哉既而嵐氣霽媚煙光晚濃林巒  
一色巖崿千重想清虛而可覩歎攀陟兮無從歌曰苔  
至滑兮石無蹤道不可得仙不可逢儻賜一丸生羽翼

願輕舉於三峰

晨光麗仙掌賦

以有如焚青天  
捧白日為韻

唐 潘存實

晴天既曙峻嶽凝青仰熙熙之旭將吐見高高之掌呈  
形假彼晶光庶有分於清濁挺茲秀異示無雙於杳冥  
煥矣而昇峯然相射浮豔華之爛爛靡太虛之奕奕寫  
乾坤之麗色先覺瞳矐廓煙霧之餘姿轉見明白疑參  
若木似坼芙蓉杲杲之容漸積慘慘之狀不如下映而  
千巖共曉上照而丹霞共舒影曜人間每當瞻瞻之早

跡居物外長承煦煦之初昭昭以臨我我莫匹向空凝  
彩若月下之對金莖繞指流輝異樓上之呈素質既炫  
晃之旁達亦孤標而獨出幸當清淨之晨免敵沉陰之  
日佳氣或爍朝雲不還發明媚於紫霄之際擎彩翠於  
碧落之間自彰和朗寧俟躋攀遙揮六龍迴臨萬有初  
分焜耀訝髣髴以成文俯掬清光信爛熳而入手則知  
事不自妍理資相鮮因流光德獲照金天想清風旁來  
宛其穆若視晴景中駐何媿拳然故得無私功博潤色

道全當八極洞開之次明二儀交泰之先豈獨辟洪濛而干造化設形象以配神仙而已哉於是靈蹤長聳日華長捧不然何羣山遷迤而相奉

巨靈擘太華賦

以神力所作開山導河為韻

唐

關圖

太華崔嵬伊巨靈兮其壯哉挺高掌以遐舉擘孤峰而洞開功侔造化勢越風雷劃千仞之巖巒屹從地裂決九河之波浪杳自天來昔者混沌是生磅礴惟神無朕配天有作念彼流之未通顧茲山之可却將以開迢遞

正嶄鑿愜心而再定川原應手而別開林壑靈意將神  
雄稜益振蓄怒鼎負注情嶙峋謂釣鰲不足以駭人鞭  
石不足以騁神指揮而疊嶂知改盼睩而三峰可新然  
後攘臂效能端身任力捫蒼靄以天半折翠微於月側  
若百神將萃而潛助二儀欲判而未息嵐光兩向猶連  
松柏之聲黛影中開已斷雲霞之色豈不以閔形幽默  
拓跡巍峩致用而扶持天地程功而變化山河分積翠  
於空中千年軋漢啓通津於指下萬里騰波豁丹崖於

天阻呀峭壁而相距勢且異於兩傷力自弘於一舉截  
仙子幽栖之洞壯王者建都之所蓋以神開壽域靈固  
人寰廓峻極於倏忽標削成而險難超大禹之理水小  
愚公之移山竹箭波中路竟深於導達蓮花峰外跡終  
寄於躋攀是知事冠杳冥理歸玄奧石有時而分裂水  
有時而疏導信乎宰物者之使然非人情之所到

西嶽望幸賦

唐閻隨侯

壯哉太華分爲金方之鎮削成四面壁立千仞勢阨河

闕兮橫地以傑出氣雄宇宙兮極天而增峻疏鑿則禹  
封崇則舜厯選列辟咸五載而一巡於昭有唐曷不登  
以肆覲我聖君之開元一十八載威靈限乎無外至德  
與日月齊明寶位與乾坤比大鴻澤洋溢湛恩滂沛萬  
國同於文軌百蠻襲於冠帶河海清夷風雲昭泰鬼神  
奔走而奉職玉帛梯航而入會蕩蕩乎巍巍乎誠聖人  
之神用也美不可得而稱載至若祖武宗文之業觀風  
問俗之勤舉由禮兮動為仁禔百福兮延羣神無文之

典成秩中和之政惟醇邦國之鴻徽克播帝王之盛事  
畢陳若乃詩書禮義之府禮樂典章之則設金馬石渠  
之署修成均崇文之職坐公卿以論道養更老而崇德  
詢善而當宁委裘禮賢而日旰忘食振木鐸而施令正  
銅儀而御極歌舞盡盛德之容聲明彰具物之飾此聖  
人之文教也先王剡木為矢弦木為弧所以修戎器戒  
不虞於是簡車徒誓將帥百官象物而動軍政不戒而  
備重之以三令五申示之以戎昭果毅正卒伍駢部位



鵝鵠魚麗兮鴈行鱗次鳴笳疊鼓兮隱天動地自朝及  
野兮千乘萬騎谷轉山移兮天旋雲被赫赫震震耀武  
中原兮將除害以興利因農隙而講武事羗夷覩之以  
奪魄蠻狄聞之以挫氣雖商湯有景亳之命方此以知  
慚周成有岐陽之蒐比茲而多媿然後班師旅行慶賜  
穆穆煌煌焉舍爵策勲而飲至此聖人之武功也太原  
啓聖誕受駿命傳萬代兮本枝盛上黨興王休有烈光  
應大橫兮天業昌漢高不忘於豐沛光武本起於南陽

故踰孟門越太行鏟危磴夷高岡馬無泛駕兮鑾佩鏘  
鏘車靡摧輪兮和鈴缺缺紛芻霍以電邁震隱鱗以軍  
裝全入乎舊宮之皇皇思宗祖之艱難詠潛龍於沂康  
出德教兮修國章問老病兮勸農桑豈徒率子弟以佐  
酒歌大風而還鄉此聖人之巡狩也古者為高必因邱  
陵為下必因川澤去春陵之天郎望臺駘之星陌黃軒  
訪道乃逍遙於廣成丹陵出遊還悵望於姑射踐唐人  
之舊壤遵漢家之餘迹祠后土於汾陰盛禮容於瑤席

既而秦折啓方壇闢有潔在盛有牲在滌奏咸池兮羅  
金石欽瘞繒兮埋玉璧幽髣髴兮地祇格電輝輝兮神  
光赫時展豫兮羣瑞臻紛景福兮隨吾君黃龍降兮應  
景運寶鼎見兮寫龍文整樓船兮濟橫汾縱歡樂兮歌  
白雲此聖人之報地也禮行於郊百神受職焉禮行於  
社百貨可極焉既即陰以報地遂就陽而禮天因吉土  
厯廣廛跨周服掩秦田萬乘星陳出直城之郊外八方  
雲會就京兆之天邊騎雜沓車駢闐赫赫奕奕而燭川

以屆乎圓丘之前於是牲用特酒尚玄樂以雲門是重  
禮以蒼玉為先推高祖以作配五精率而來旋達上下  
合腥臠設柴燎致高煙上帝降監今享明德子子孫孫  
今萬億年此聖人之禮天也王者受命必升中以因名  
山告成功而紀厥美四時以春方首事五嶽以岱宗為  
始無懷以降七十有餘管仲所詳十二而已我皇承先  
王正統繼列聖遐軌幽明協同靈物蕃祉故天不愛其  
寶地不愛其珍卿雲爛熳而動色醴泉湧溢而流津莫

赤匪狐九尾而自擾莫黑匪烏三趾而來馴况復西鷄  
比翼東鰈呈鱗拒黍生於鄆沚苞茅出於江濱一莖九  
穗之禾備粢盛而競發雙骼共觝之獸供犧牲而自臻  
可不謂然乎我皇雖以地平天清時和歲貞欲行封禪  
之事猶執謙撝之情則有冠冕列辟搢紳諸生互陳嘉  
頌爭獻懇誠候屬車之塵者率土皆是請闕庭之下者  
靡日不盈於是備法駕順卜征襲時服肅天行河洛之  
人尚觀於後乘鄒魯之地已識其前旌水湛千年之色

山呼萬歲之聲常龍之峰帝鄉之白雲遙接金雞之岫  
長安之曉日再明所以登封降禪所以騰鴻飛英既刻  
石以頌美亦泥金而告成信四三皇而六五帝曾何周  
漢之足名然後審度量正權衡咨岳牧問黎氓人荷復  
除之惠家索牛酒之榮此聖人之東封也宗廟所以本  
仁祭祀所以尊祖馨香寧止於黍稷備物必該於水土  
故醴醕在堂粢醑在戶歌采芡肆夏之節奏文始五行  
之舞有來斯雍助我明主祝嘏祠說宣云虛取宜其時

和人豐而神降之祐也故所以靈芝秀祥飈興月羃下  
膏露凝奉先帝而追孝遂加敬於園陵比聖人之致孝  
也倬彼靈嶽傑出秦畿豁為巨防壯我皇威雖國家盛  
德之無垠固先王設險而可依雄天府以岌岌符聖壽  
而巍巍萬物生華稟少陰之精粹五星分緯融太白之  
光輝俯壓黃壤上干翠微矧靈異之所蓄乃神仙之所  
歸實五鎮之為首諒羣山之所稀且夫西嶽之為鎮也  
大焉西方之為義也多矣其色也白白為五色之質其





上我穹昊憑之者永安陟之者難老疊嶂重巒互稠省  
千巖萬壑相縈抱其虛谷也數行發地緣茂松其峻壁  
也百仞懸崖不生草夫崑閬峙於方外蓬瀛傑於海島  
皆玄聖之所遊非化人之可保豈若茲嶽俯臨京鎬上  
有明星玉女峰下有長安洛陽道作鎮并崇於雍豫靈  
祠化傳於灑掃雖則祀典遠更於百王都未若祚我唐  
之壽考矣然則神其聰明正直而一既德則斯輔知信  
不可失往歲垂天文運宸筆勒琬琰崇望秩云待余安

民治國然後徐思其事懿夫俗阜時康今也正惟其日  
故可揚鴻徽而騰茂實奚不指河潼而嚴警蹕也又欲  
大康兆人兮嶽翼化淳四海兮嶽布冲和無疵癘兮嶽  
獎定禮樂諧神人兮嶽聽今萬邦胥悅四海肅清禮交  
樂舉人和政平豈猶茲嶽之所致實惟我后之明明又  
曰斯嶽降神生此多士則庶績咸若百工允釐河東地  
近領袖既得乎裴公圯上神人帷幄復歸於張氏况業  
固磐石城惟宗子以為肺腑之親更任股肱之理惟邦

是翰諒在乎此生甫及申豈惟於彼况乎聖德幽運通  
天至精山靈附化而開石蹊路非人而自成舊日隘途  
將帝道而俱泰從來絕險與太階而共平非我后至聖  
之所感豈能使造化之力再呈至乃紫闕東臨黃河北  
注嘉氣通於郊野休光被於草木桃林之野佇天馬而  
來遊蓮花之峰翼華蓋而高度昔禹禪吳會穆辛崑邱  
既江山勞止徒轍跡空留豈如是嶽不遠皇州何云歲  
時展狩信亦朝夕可遊今左馮郡縣萬方黎獻僉曰吾

王不遊吾何以休吾王不豫吾何以助咸傾想於班瑞  
之辰屬望幸於肆朝之處國家頻成大禮天下大和豐  
穰歲積符瑞日多聖人雖欲行謙光遜讓之禮其如天  
意人欲何其如鬼神符命何誠可備西封之盛儀採東  
巡之舊制順三秋之仲月升二華而展祭巨靈鼎肩願  
高掌以扶輪仙廟虛佇欲睟容而警衛尋可封十狀之  
美盡遙陟七梯之勢命茲毛女執左纛而先驅策彼茅  
龍隨六馬而高逝坐金機於雲表題玉冊於巖際象榻

與瑤壇共華石鼓將天聲俱厲如是則鴻猷振於萬古  
盛烈光於千帝然後臨大河而沉璧更秩於百靈睽東  
洛以迴鑒永延於億歲已而歸格藝祖道洽華胥更崇  
太室之事復率東岱之初遂就恒山而展禮望衡嶠而  
移車聖主功成永穆羲皇之化小臣多幸敢獻登封之  
書

謁華山嶽廟賦

唐 姚 幹

沐蘭湯兮同之子采白蘋於南澗羞府君之明祀祠肅

肅兮山之下神萃萃兮凜千古辛夷楮兮葯殿房載雲  
旗兮駕蚪虎澹閔宮之瀏恤紛進拜於軒宇靈連蜷兮  
既留予踟躕而屢舞願馨香而嘉薦豈神祇之或吐精  
享既周厯勝飛眸東拓巨靈之掌北控長河之流殷其  
雷也寧示口於鼎肩成其物也配祀典於清秋豈徒三  
峰峻秀四面若削扇萬壑以雲騰飛長天而雨落將有  
開之必先實明神之攸作則神也無私正直自持禍淫  
福善幽鑒無遺余總角之年每專精於書圃洎乎既冠

之日亦切磋於文詞謂一飛之摩昊胡十五之遊悲聞  
至誠之必應何功名之太遲豈媚竈而先獲寧守道之  
後時神乎神乎莫使心疑我后之文思望賢如調饑礪  
乃鋒刃以俟鹿鳴之時收片玉於宗伯冀神兮無我欺

華山西峰賦

有序

明喬宇

宇自蒲八關還過華陰歷雲臺觀玉泉入南澗抵青柯  
坪宿焉翼日由百尺峽以上路皆突奧峻絕緣鐵鎖而  
拾級者遠或百步餘近者亦不下數丈駭驚奔蹙備歷

險艱午始陟玉女峰右折以行飲玉井之水躡巨人之  
趾遂躋西峰絕頂凌虛四望千里如掌所謂登泰山而  
小天下者雖移之華嶽亦未為不可也虎谷王應韶獨  
至第一關而歸贈我長歌意與景會於時關中方以旱  
告同胞物與之情自不能已况采詢民瘼亦使者之所  
有事也乃為賦一篇始則叙述登覽之勝終則為禱神  
之辭義歸於正云爾其辭曰

粵鴻濛之始判兮迭陰陽以代謝星辰緯纏乎其上古



山川流峙其在下維金方曰兌位兮實東井之分野盤  
千里以周迴兮屹三峰而并駕肇錫封於有虞兮列祀  
典於中夏嗟五嶽之特顯兮曰東岱與西華興雲雨於  
咫尺兮澤萬物而不頗肆配天之鴻勲兮贊化育之孔  
多固靈秀之萃毓兮儼神明之護訶善有福而惡有禍  
兮彼淫黷之謂何繫萬仞之削成兮麗層霄而莫狀也  
天梯石棧相鈎連兮殆秦昭之始創也通呼吸於帝座  
兮啓人跡之來往休祥瑞應之屢徵兮勤歲時之盼蠶

隱玉女之洞府兮擘巨靈之仙掌餐五粒之長松兮摘  
蓮花之十丈奏廣樂於雲中兮羽蓋續其拜迎廣成洪  
厓後先而相望兮咸通籍於蓬瀛丹葩瑤草不可以數  
計兮人動稱以千歲也信踪跡之詭秘兮亦好事者之  
藻繪也余度渭以東跳兮仰巒岬而至止經華陰而覽  
雲臺兮訪希夷之故趾涉澗水以南驚兮劃兩崖之開  
張怪石硿硿以相軋兮馬跼縮而不行策吾杖以騁步  
兮快青鞵之輕舉披榛莽以揮霍兮冒藤蘿之纚纚琳

宮隱見其上兮曰青柯之舊坪指巉巉之絕壁兮若天之不可階而升松飈響振於陰壑兮嵐霧涵其已暝山寂不聞乎人聲兮抱余懷之耿耿瞻千巖之競秀兮絢光彩於陽輝鳥道峻仄其莫攀兮訝鐵鎖之高垂峽截嶮以分裂兮露微明而中敞曲凌兢以仰穿兮類猿猱之下上足屢進屢却兮坐撫膺而長歎雖蜀道之十步九折兮曾何足彷彿其難探日月之兩丸兮跨蒼虬而獨立汲玉井之沆瀾兮懷羽化而粒食歸西峰之絕巔

今匪鼇極其孰援餐灝氣而遡長風兮亘厚土之無垠  
南荆岷而北岐梁兮右秦隴而左崑滬移萬里於指顧  
兮渺黃河之如綫連山若羣龍之蜿蜒兮背沙水之疊  
痕渺齊州之九點兮奚雲夢之足吞目眷眷以凝思兮  
澹冲默而不言爰浩歌而朗嘯兮與太清而為鄰哂余  
生之好遊兮將繼踵於龍門五嶽始歷其二兮其三尚  
未覩其嶙峋酌醴泉以為饗兮采紫芝以為飧吾豈不  
知神仙之可學兮憫正學之日淪身欲下而未忍兮意

充然而狂奔望美人於山椒兮期永矢以勿謾思玄功  
之峻極兮偉萬世之永賴也苟災沴之弗蠲兮固神職  
之或怠也禾既稼而土墳兮念甘霖之未霈也彼西土  
之人兮紛嗷嗷其相待也鞭雷霆於頃刻兮慰枯槁之  
來蘇諒化機之神速兮遍率土而無餘旋吾駕於蒲坂  
兮挹天外之芙蓉園蒼生於品彙兮豈山川其舍諸述  
短篇以紀盛美兮事雖核而辭蕪神肯鑒於余衷兮庶  
斯遊之弗誣

恒山賦

明王 昺

惟大化之沕穆兮麗夫天地而為依日月賁以貞明兮  
山川環帶而相維嶽於大漠兮嶄然巨石之峩峩奠八  
柱於鼇極兮鬱乎四海而揚波接烟煴於鴻濛兮作大  
鎮於龍荒聳相觀於八極兮一何隳突而昂藏吐靈秀  
以昭化兮興陰陽而噴薄何神驅而鬼驚兮渺茫茫兮  
寥廓崇秩禮於百王兮相祀典於邦伯挺萬象於昭明  
兮並九坑而赫奕肅清廟臨穹蒼矯霞棟架雲梁掩河

漢兮暹星斗振虹蜺兮凌日光被玄袞兮載靈旗雲屏  
屏兮風披披忽而來兮憺而注宵乎上下其何之作風  
雷以怒壯兮零雨霧而溥滋載羣生以涵育兮仰配蔡  
之四施興寶藏以炫珍兮滅妖氛於既戢含衆氣於有  
揚兮分兩儀而特立建天根於丕丕兮載坤軸而無疆  
相國祚於有靈兮一何萬古而為長

登封龍山賦

明  
石  
瑤

石子抱病登於封龍覽燕趙之墟望滄溟之浦慨然太

息顧謂二三子曰美乎佳哉此陶唐氏之故都也巨嶽  
雄峙長河駿奔崇岡複阜如抱如蹲萬壑衆流匯為九  
澤太行崛起溢出平原川橫夏后之槩地藏虞舜之璧  
八年於外地平天成五月朔巡諸侯萬國天文別野星  
當昂畢之區土壤分州域介幽并之宅川紆嶺迴鬱鬱  
崔嵬峭壁聳秀丹峰凝輝晴瀑挂百尋之長練顛崖轉  
萬國之驚雷上有蔽日干霄之古樹下有陵遷谷變之  
寒灰俗有避秦山多入晉岳被重封川經幾濬虎嘯風



冽龍行電迅塞煙色舊李公燈火之臺古石光寒季子  
合從之印萬里交子胥中千巖縱其一瞬其東則古之  
大陸也波洄鏡縈曼衍鏗鉤菱蒲菱荷肅乎風生海鳧  
來遊鴉鵲互鳴放乎觀津之野帶於平棘之城漁浦流  
歌廊廟隔江湖之興秋郊舒嘯英豪含感慨之情竇氏  
青山馮唐故宅納牖道言引卮正色園仍茂草逢下帷  
之董生饒有高賓見耕田之冀缺人傳擊筑之歌士有  
談經之業貞觀章疏一代忠良稷下遺書六經羽翼疇

非治望乎唐虞豈獨事關乎列國其南則漢之鉅鹿鄆  
中也臺隍尚存煙屯霧昏想中興之舊業或寄跡乎荒  
原蕪蕪存豆粥之亭潯水望冰漸之渡北道主人塵埃  
物色對竈將軍雲龍際遇地存京觀李華興弔古之詞  
士遇明時文達展登瀛之步亦有開閤池臺尚存平泉  
古樹閭里高門或三世而居司業或父子而握綵綸文  
妙一時張鷟號青錢之選才優當代衛公陳丹宸之箴  
綢有文章名崇史館絳真宰相官處詞林其西則戰國

之陁山也山愈巒岼水愈潺湲橫峰似劍列壑為闌平  
臨三晉遙控全燕車不方軌士可當關料敵機危痛左  
車之不遇燒丹火候訝隋女之登仙雪霽西屏冰封壁  
合雲鎖抱犢墮佩遺鈿誰登望海之亭直下螺峰之境  
地出危簪天開峻井龍蛇蚴蟉雨自東來麋鹿再張泉  
從地湧劉因有志登福地而高吟敬仲多情撫遺蹤而  
自省篇成寶劍代國神遊文慕香山司空興冷悵九原  
之莫作幸吾生之登騁其北則古之中山曲陽也陵阜

迺遷達於代邊隧通窮漠谷帶長川萬籟號風危城際  
天士如貌虎人擁戈鋌名寢秦謀共畏廉頗之勇喟興  
漢髀人思李牧之賢宜安城復再收趙境武靈臺古遙  
下胡弦地存畫卦之臺巖有棄瓢之叟夢得一世之詩  
豪李嶠諸儒之領袖安平之崔下曲之魏累代名才靈  
壽之曹橐城之董一時勲舊朱輪紫綬門地猶雄取印  
提戈聲華未朽問其士習則樂孝友敦詩書不侵然諾  
砥礪廉隅氣不可平直欲裂強秦之缶清應有志幾思

登孟博之車節奮於窮壯形於老頸可及而身不可屈  
頭可斷而碑不可草觀其民風則力織作勤畎畝童稚  
為婚雞豚娶婦族多辨類等其清濁禮謹送終稱其無  
有至老猶勤雖貧不困人各守其淳朴俗頗希乎渾沌  
其尤在可稱者士不妬才人多服義彭亨狡獪雖貴蒙  
嗤清介端良在微亦貴野無健訟之民官乏舞文之吏  
上不煩於刑誅下易為乎禁制此固先王舊澤雖經變  
故猶縷縷而未衰然實聖代洪仁漸染百年首股肱之

近地者也所可憾者人不思遠家無素蓄西成遺秉簞鼓連邨春事轉空券書絡繹平疇多發冢之夫柱礎有勒文之石民不知兵易為搖動地無守險輕相躡躒蓋自列國之擾五胡之亂開元之掠長平之怨女真之入蒙古之僭谷變千回地經萬戰民無固志殆土崩瓦解遭亂離之孔多俗有俠情豈擊劒衝冠習流風之未變者乎嗟乎燕趙之地先王封建井田之地也燕趙之民先王衣裳冠帶之民也燕趙之俗先王禮義忠厚之俗

也奈何世治則有世亂則走晉既東奔宋亦南狩或割地以求成或退兵而蹙守使夫河岳增悲金湯冒醜衣冠興歔草木蒙垢資壯士於敵國納寇讐於戶牖棄神明之舊域設逋逃之淵藪人不為怪士不知詬亦獨何哉此固有家國者之遠謀然亦士君子之宜憂不然高門縣簿華寃輕裘致身要樞列位公侯徒因時而補益亦何貴於名流亂曰山有摧兮石有泐疇造化兮無紀極亦何為兮多太息

嵩山三十六峰賦

有序

宋樓昇

余少聞洛邑之盛在唐宋為東西都而山川形勝之富  
視他州為傑觀昔韓退之白樂天見於歌詩形容勝槩  
有詠歎不足之意後歐陽文忠與梅謝諸賢相繼為僚  
友數遊嵩少間至今以為美談余幸以不敏得令嵩高  
縱觀諸境未有過少室者而巉巖聳拔乃在戶牖間朝  
夕博望厯厯可數因作三十六峰賦以自廣非敢竊比  
古詩之流云



伊浮雲之公子兮訪道於林邱棲神於巖谷超然有游  
方之志兮乃東升於岱頂西謁於華麓雖衡陽之南兮  
與夫恒山之北靡不窮探歷踐兮遊心而騁目獨怡然  
而忘歸兮內欣然而自足忽御風而行兮排空濛而造  
中域徐睥睨以四顧兮意恍惚而有失遭嵩高之丈人  
而問津兮日游四方而真有得何高之不登兮何危之  
不涉兮乃西望兮岌然而聳峙雄柱天網兮橫亘於地  
軸連絡偃覆兮龍盤而虎伏雖華以九而巫以十二兮

未觀奇峰之六六丈人放杖而笑兮秋水方至而河伯  
自湔子烏覩海若之難匹兮獨不聞中天之少室其高  
則峴岵嶠崿峯岑鬱第兮十有六里而疊有十八其深  
則環紆縈繞盤糾紛錯兮上方十里而周圍一百包嵩  
陽以作鎮兮截輶轅以爲郭眷歌山之所聞兮觀舞水  
之所樂其上則有嘉禾甘果兮神芝與仙藥石柱若承  
露之盤兮帝休若楊枝之葉石脂所滴兮飲之可以長  
上古玉膏在巔兮服之可以揖羽客雲母之井兮寶所

聚光明之穴兮晝所鑠一丈之鍾乳兮可餐千歲之資  
糧兮不絕其中可避兵水之災兮自有經書之博其神  
異則玉女爛織錦之文兮金人迷白露之落雲洞警時  
聞之鐘兮石井泣哀鳴之鶴王子晉環之以為壘兮阿  
育王寶之以為塔此皆公子之所未知兮而丈人之所  
安宅丈人曰名生於實兮義設於適子知其一兮未知  
其二子識其外兮未知其內是徒知六六之所有兮而  
烏覩六六之名義東朝嶽祠儼百神兮西望洛邑鬱千

官兮太陰少陽山之明兮石城石筍天所形兮檀香丹  
砂寶所鍾兮鉢盂香鑪狀所省兮連天紫霄勢之窮兮  
靈隱來仙洞府深兮清涼寶勝梵刹標兮瑞應瓊壁祥  
光紛兮紫蓋翠華煙靄凝兮藥堂紫薇花草靈兮白道  
天德名字偉兮卓劍白雲形實紀兮金牛明月色像起  
兮凝碧迎霞天光聚兮玉華寶柱金石瑩兮繫馬白鹿  
神仙衆兮此則六六之名義兮而未覩六六之景氣丈  
人曰方春陽之盎盎兮燒痕蕪沒而青青紛紅紫之繡

錯兮引百轉之幽禽雄樓傑觀兮切星辰而上侵玉仙  
神女兮乘輜輶而下征朱明草木之扶疎兮蔽大明之  
午升山椒雲氣之冉冉兮若覆甑而鬱蒸忽雨聲於天  
外兮勢翻盆而倒傾惟紫芝與黃鶴兮舞長空而產英  
金飈之驚葉兮山空落日若仙人之鍛聲夜月白而風  
泠泠兮玉笙清徹而彌聽豎玄陰林柯之脫盡兮山形  
瘦而骨稜稜冰雪橫積於千仞兮玉龍飛而白虎亭亭  
惟四時之出沒變態兮顯晦陰晴不可得而盡名豈得

仰觀俯聽自辰及酉應接之不暇兮以盡朝昏此雖丈  
人之所不能形容兮而豈公子之所可預聞丈人曰突  
兀撐空兮千變萬狀山經地志兮不可究量或背若相  
戾兮或面若相向或竦若相鬬兮或揖若相讓或散若  
相忘兮或聚若相訪或後者若和兮而前者若倡或卑  
者若下兮而尊者若上或喜兮若相攜或怒兮若相抗  
或若秦晉兮相匹或若楚越兮相望或聳瘦兮若栽冠  
或臃腫兮若挾纊或蹲伏兮若騎虎或崇聚兮若甃盎

或決驟兮若風馬或浮空兮若船舫或若遊郊原兮累  
邱墳而包樞櫨或若入宗廟兮紛豆登而鬱鉅鬯戢戢  
兮森劒戟落落兮列屏障勢領略兮斷而還連狀容與  
兮宛而復壯超然若三十六天兮神仙之洞宅姦然若  
三十六宮兮妃嬪之遊燕昂霄聳壑冠佩悠兮泉飛霞  
傾爵掌流兮天闊星煒玉杵成兮松篁瑟瑟鈞天迎兮  
嬌雲曲月鬢蒼新兮煙斜霧霽龍麝焚兮霞舒霓卷舞  
袖張兮雷霆轟轟轟宮車還兮言未及而公子頽然如醉

今灑然如醒非丈人無以藥之使瘳今刮之使明僕未能窮茲山之勝踐今究茲山之曜靈請執杖屨今以從後塵

嵩山二十四峰賦

有序

明曹璉

按白虎通云嵩山者中央之嶽獨加高字者以其居四方之中而又高且峻也故詩曰崧高維嶽峻極於天此之謂歟山有二十四峰曰青童黃蓋浮邱二鶴遇聖萬歲玉鏡獅子虎頭起雲鳳凰金壺華蓋玄龜卧龍會仙



子晉玉柱老翁玉人玉女獨秀積翠太白皆遠近齊高  
無低昂之態有凝重之勢誠非天下山川比余因駐節  
騁目乃并志其名於左方以自適奚敢擬諸古賦云其  
辭曰

維登封之堙墟當胚暉之正中聳嵩高之嶄絕屹千仞  
而穹窿託扶輿以正基應房宿以曜空結根彌於崑崙  
直指超乎崆峒靄輪囷之繚繞迎羲馭之曛朧匪嵯峨  
之莫測抑迢遙之難窮控齊梁之渺渺襟河洛之溶溶

俯首陽之隱隱超太行之重重回盤嶮戲奔突龍從峻  
極形於周雅配天始於唐封彼岱華霍恒之四嶽各分  
鎮於南北西東此則茲山之勝槩閱古今而獨雄也其  
為寶藏也則金砂之璀璨璞玉之璘璊表中原之異產  
充上國之奇珍其為靈蹤也則石室據其陽天池在其  
頂敞金刹於少林闔瑤宮於真境其為品彙也則凡根  
莖之屬飛走之羣時涵時育以悴以榮超乎閭苑之翳鬱  
甲乎靈囿之縱橫是雖博物之張華無以辨其類洽聞

之郭璞曷能究其名也若夫豐隆停震飛廉卷霽嵐  
光浮漢林影節日班二十四峰之駢羅脫瑤簪於螺髻  
肖迸筍之巒岿侔列戟之排立卓乎彩筆書空而作軸  
儼乎玄圭平水而初錫聳乎蟠蚪昂角而崢嶸矯乎驚  
鵬垂翼而奮擊高低起伏遠近穠麗鄙羅浮三百里之  
磅礴陋武夷五千丈之萃律彼巫峰之十二匡廬之五  
老又奚可比而儔擬而匹也余嘗駕天風遊玉柱訪青  
童攀玉女尋子晉之竒蹤步老翁之幽址捫虎頭而舒

嘯憩黃蓋而徙倚面玉鏡之光芒盼三鶴之軒翥過遇  
聖兮浮丘躡玄龜兮如砥駭卧龍兮起雲間跨獅子兮  
會仙侶覽鳳凰兮雖雖灑金壺兮墨泚瞻華蓋兮亭亭  
呼萬歲兮鼓舞挹玉人兮太白眇積翠獨秀兮延佇已  
而夕陽隱映而銜山歸鳥喧囂而投林蒼狗靉靄而四  
塞蟬蛩泯沒而曳陰麋鹿相牽而呼友猿狖聚嘯而長  
吟螻蛄噪而鳴咽於菟噪而蕭森斯時也余亦慄然而  
懼悚然而驚矯回首於盤谷邁一老而便輕冠高冠之

爰業佩長佩之崢嶸質銷鑠而綽約神杳眇而粹精厯  
玄冥之微徑乘閒維而上征視倏忽而愈遠超寥廓於  
無聲欲從之而不可得乃托長歌而放情歌曰嵩山之  
谷兮虛明嵩山之泉兮澄清泉澄清兮可濯纓谷虛明  
兮彷彿蓬瀛追仙翁而邈乎難及兮聊徜徉而尋盟載  
歌曰嵩之山兮儲英嵩之神兮效靈神效靈兮海宇平  
山儲英兮俊駢生吾知申甫其復出兮又將為後証

嵩山賦

有序

明  
劉咸

五嶽惟嵩居天地之中而其峰巒之秀偉亦非他山可及故古今騷人墨客往往見之歌詠余不自揣亦掇拾其餘意而為之賦辭曰

繫山阜之停峙均胚暉於玄黃諒凝形之有異故奠位而不常維嵩高之為嶽獨穹窿而直方雖同列於上下實尊處乎中央左襟帶於河洛右控制乎齊梁前屏列乎崆峒後幃障乎太行彼秦華衡恒之四鎮各東西南北於一方茲蓋造化者自然之工巧俾其與天地同一

久長夫豈若尋常之培塿而屑屑然與羣山較利於毫  
芒也哉觀其元氣淋漓靈根盤結磅礴縈紆嶽巖截某  
質厚重而不遷勢蜿蜒而聯接量含弘而有容神昭貺  
而莫測萬象歛翕兮森羅四時光景分明滅燿燿大士  
之瑞芝森森將軍之封柏猗猗九節之菖蒲燦燦三花  
之貝葉彼四萬八千丈之天台固僅能方其太室之三  
尖而根盤五百里之匡廬曾何足抵其少室之數疊若  
乃時和景霽天高氣清風生鶴唳日出雞鳴霞彩凝兮

錦繡錯嵐光蕩兮圖畫呈於斯時也凌絕頂履峻嶒恍  
兮惚兮蓋不知夫此身之在人世而別有所謂崑崙之  
與蓬瀛也其或月暈星藏煙霏霧暗陽烏匿影虹霓橫  
漢轟雷霆兮一聲分晴雨兮山半於斯時也挾天風遊  
汗漫竊兮闌兮亦不知夫此世之在人寰而又有所謂  
青城之與赤岸也雖然此特其朝暮陰霽之常態而未  
覩其倏忽變化之形容苟欲究其所以則雖智者莫得  
而窮彼其兩室諸峰層出疊起不參不差無偏無倚在



少室者三十有六在太室者二十有四或率鋒而崔嵬  
或秀偉而妍媚或迤邐而婆娑或隱約而虧蔽或羅列  
如兒孫或比肩如兄弟或尊嚴如父師或卑猥如媵婢  
或蕭散如神人或俊拔如豪士或如蛟走而虬蟠或如  
牛眠而馬馱或如理木之連枝或如芙蓉之並蒂或如  
舟楫之浮空或如兵車之趨市或如忠臣之赤心或如  
豔姬之高髻矯矯兮如飛而翔飄飄兮如行而止于于  
兮如醉而醒怡怡兮如悲而喜凡茲山之奇勝所可愛

者如此然不指而稱焉則亦莫能默而識之矣故夫青  
童太白子晉浮邱玉人玉女會仙虎頭老翁遇聖兮相  
向黃蓋華蓋兮疊稠鳳凰鳴陽獅子號秋玉柱壁立玉  
鏡光浮三鶴積翠兮排闥萬歲獨秀兮凝眸卧龍起雲  
兮淨如洗金壺玄龜兮翠欲流此則太室勝槩之奇而  
天下之為峰者莫得而侔也若夫東朝嶽祠西望洛邑  
白雲連天紫霄凝碧鉢盂丹砂之可觀香爐檀香之堪  
挹羅漢寶勝之可尋七佛靈隱之難覓太陽少陽之巍

我石城石筍之屹立紫薇兮藥堂寶柱兮瓊壁來仙卓  
劍兮孤高翠華繫馬兮峻極紫蓋迎霞兮如丹玉華白  
道兮如璧明月清涼瑞應天德白虎留形金牛見迹此  
則少室勝槩之奇而天下之為峰者又孰能與之敵邪  
又如琳宮梵宇佛洞仙巖蝌蚪出而書見菡萏發而霜  
寒龍潭隱靈物兮潛處天池通聖水兮潺湲歷代尊禪  
則有封祀之壇往來經行則有輟轅之關凡若斯之歷  
歷皆可考而班班者也至若名傳於今事出於古測景

定於周公化石由於啓母御筆書於則天金蠶築於漢  
武隱有棄瓢之許由廉有洗耳之巢父道有奕碁之八  
仙佛有面壁之一祖出而重於世也又有索價之山人  
居而莫知其向也又有擣帛之仙女其他竒蹤粲然可  
數既不暇於細推亦無能為之悉舉也嗟夫拳石無情  
與時屯亨况非逢千載之景運抑安能得夫一時之謚  
寧惟聖皇之在上屢賜寵而錫榮崇嘉號今以禮尊祀  
典今以誠故嵩之德以之而益著嵩之神由之而益靈

自茲以往吾知太嶽之儲精必降申甫而駢生於以屏  
乎藩翰於以充乎帝庭俾海宇之臣子咸永樂於昇平  
而吾又當秉霜臺之白筆以專紀夫三呼之頌聲也

嵩陽賦

明  
盧 柟

楚王北遊登崇嵩之觀嵩陽大夫侍王乃涉蒙茸履鬼  
歸長御遠睎汜濫無際顧謂大夫曰壯哉山矣寡人於  
茲殆將脫屣邪嵩陽大夫曰大王之言誤若臣者始足  
與繇焉爾王曰夫山畜洩雲氣萬物所祖無貴賤遠邇

皆好焉子大夫私之已有是何厚於自待薄於寡人邪  
嵩陽大夫曰臣聞之傳記鵠鵬搏雲鶴鵠悅羣物各有  
適故其所託者殊焉王曰夫寡人舍此將復有說乎嵩  
陽大夫曰唯唯夫嵩維巨嶽極於圓祇之中橫帶汝潁  
崕峭於氛霄之上緣菑靄之薄盛乎翠虹之嶂爾其三  
十六峰二室嵯峨靈巖浮歆隆豐岬岨叢轢互分嶇崎  
傍迂遽篠偃蹠行者中于久之却息汗脅增懼若夫甯  
阮砢砢虧澗無底窈窕窅窅寔長風颭颭扎扎呬訾流離

轉散髣髴松聲天雨新霽萬壑灌瀨滿濤涵以碎頽雲  
噦砢砢疊響歛歛鬼怪於是離鳩掩羽豺虎驚蹙慌忽  
謾台悚息川谷此誠山精魑魅之所穴處竊恐大王不  
遑託跡於此也王曰敬聞命夫大夫惡得獨憩乎哉嵩  
陽大夫曰臣少遊上都親侍諫垣陪列公孤尊三王貶  
五霸揖讓於魏闕之下爾迺南箕揚舌青蠅點白即墨  
膺讒寺人灑血解圭組脫鳴璫辭金墉凌風翔飄然霞  
逝迺昇乎嵩高之陽故其怡神育靈則攀緣嵌崖傍眺

瑤城陟乎泰清盡足力而後返於青炎之圃徘徊於松  
桂之林激嘯於汧水之澗將折若華之英蕤江蘺襲幽  
蘭帶楚蘅猿猱嫫於左麋鹿擾於右逍遙容與精神益  
壽然後檢搜巖穴探飲玉漿璧壇鳳笙銅鈹石牀希瑞  
呈露娛樂無方若迺王喬控鶴於林間密公失路於霧  
外少君捧節乎雲中劉根抗絕於人世莫不偃仰羣笑  
憑虛軒輊臣雖庸駑與通紹介故夫龍門三臺緱氏之  
嶺皆臣往來遨遊者也夫大王擁千乘之器妃嬪珍玩



欽定四庫全書

集部

御定歷代賦彙卷十六

七

詳校官檢討臣劉圻

主事銜臣徐以坤覆勘

總校官編修臣王燕緒

校對官中書臣陸湘

謄錄監生臣唐澐

欽定四庫全書

御定歷代賦彙卷十六

地理

燕山八景賦

元陳櫟

粵自昔之京師稱為衆大之區今大業之覆燾亘亘古  
之所無建皇都於燕山信廣大而超卓稽載籍之所傳  
跨臺殷與京洛仰景致之佳絕殫泓穎而難窮味綺名  
之有八恍莫措其形容仙凡隔於苑牆邃深而瓊其島

天永縱夫春陽花命長而鮮好池雖仍於古稱芙蕖豔  
其佳色與景秋而最宜涼颼生夫粼碧橫晴虹之下垂  
瀦為瓊玉之漿幾萬斛之珠滴歲釀萬壽之觴愛一臺  
之天成金知出於誰鑄待夕陽之照出色黃明而自媚  
山屹峙於兌方席花積而崢嶸市烘黃綿之襖天現白  
玉之屏津趙北與燕南雞呼兔而澄澈銀蟾竦之高卧  
玉狻猊其如活軒轅喬之薊封雨飛門而河翻妙勝廬  
阜之瀑高出龍門之灘史嘗紀夫居庸名列三關之一

山堆皺而萬疊翠欲滴於一色是為八景之略媿其詳  
之未知彼瀟湘與鳳翔亦八題之昭如茲偏方兮下國  
景何一二而數衆大古莫擬之豈八景而但已山水自  
於西北景清淑之所鍾地廣漠而深厚極城闕之宏崇  
合官府兮市里暨民物之富庶孰非可觀之景顧觀光  
之猶未將究極而論之曰在德不在景山川以人而重  
德與景而悠永毫殷京洛之區今視昔而依然謂愚言  
之不信何一盛而莫肩如宋玉想像夫高唐蘇子親見

夫虛境雖鋪張恐涉於虛無知初詠未得其要領也

燕山八景賦

元闕名

余嘗玩山川之清暉兮澹逍遙而忘歸雖一峰一泉之  
可嗜今日康娛而不疑慨造化無全功兮何多美之罕  
見使競秀交流之萬千兮又未能恢眼界於迴遠秣吾  
馬而相羊兮紛悠悠其求索邇吾道夫桃源兮納八景  
於宵臆衆錯落以嫵媚兮特隱者之所盤旋思九州之  
博大兮余馬能為此淹指江天以發權兮吾馬能寧乎

是邦敞八景於萬州兮願弭節於南浦劇蘄嶮無與娛  
兮回吾輓而上下指京師於中天兮駕輕風而上征路  
漫漫其修遠兮窮覽睇乎渺冥歷黃河泰華而北拱兮  
拭吾目於燕山駭八景之並陳兮異向來之所觀覽博  
大以爽塏兮侈帝邱而方古環四望之險固兮亦雄夸  
於天府方韶華融融於瓊島兮彼動植之咸適基雨露  
之濔濔兮雲太平其五色遠西風之集瑤池兮靈沼飄  
飄乎文囿天水一碧而不波兮躍魚樂乎情盡納萬象

於菱銅兮湛龍舟其夷猶漢唐同太液之名兮此獨無  
芙蓉石鯨之相糾曉吾步乎盧溝兮璧月澹乎蒼冥晴  
光瀉九霄而相連兮雲同流而莫分想望舒之緩轡兮  
為馮夷而息迫庶以侈小黃河之壯觀兮使毋貴宛平  
之鞭石道陵鬱乎相望兮恍水墨為余繪之逮夕陽其  
迴燭兮表金臺而出之紛霞光其離合兮翔劍氣於牛  
斗羲和勒朱轡而騰彩兮顯餘輝其若繡覽晴色於品  
彙兮粲丹青其陸離羌西山之雪積兮乃獨能夫變化

走玉虬於樛木兮卧鹹虎於峭壁豈見覲而不消兮正  
以彰陰陽並運而不息惟地鄰於上界兮屏翳每為之  
斂容必帝命嚴德澤之布兮乃下滴於馬駿出薊門而  
凝望兮莽左右其千隊使聖成有神筆兮吾猶恐其難  
會矧垂虹之尤異兮俯玉泉而下垂惟幻見之靡測兮  
青與絳其相依朝濟乎泉之西兮人以雨候而快覩也  
使就陽而東出兮又孰肯為之顧也甲衆皺而獨雄兮  
侈疊翠於居庸岐太行之餘青兮繼脈分繡乎澄空飛



龍舞鳳而護王氣兮聳巨闕乎天極逶迤而蜿蜒兮開  
鴻業於千億猗歟休哉聚八景於皇都兮隱化機之邈  
邈偉萬國之觀光兮沐承平以愉樂判暄涼於四時兮  
異昏昕於一日俯仰孰匪可歌兮宜際天而無匹天倚  
地以示象兮地承天而賦形泰運交而端倪軒豁兮躋  
賁飾於文明彼禮樂制度之煌煌兮彌開心而蕩目豈  
獨泰媪之有自然兮資人為而功足苟非明良之慶會  
兮欲撫玩於奚得即輿圖而縷指兮何古今之厯厯美

不專於流峙兮德不貴於終隱使決背而忘情兮恐八  
景之吾哂恢壯志於青雲兮來吾道夫先路及年歲之  
未晏兮庶有裨於皇度諄曰本乎天兮昭晰乎山川兮  
即八景而顧瞻兮毋祇為圖畫是傳兮

燕山八景賦

元闕名

天游子岷峨產也壯聞燕山為聖化所敷之會徑縱觀  
焉讀書國學者五稔遂登文科叨外除一日將西還行  
以明發翰林學士紫巖翁夕闔門來執別且語之曰君

寓燕臺嘗知名山遐邇有八景乎天游子曰聞之翁曰  
君聞之盍為我賦之而我歌之而茲山得之而  
海內傳誦之顧不快歟曰唯命翁曰詩大序曰詩有六  
義焉賦居次仲尼曰辭達而已矣願無大夸景之一為  
瓊島春陰試有以語夫我天游子曰吾聞海上神山峙  
為三島靈氣夕移剛風啓道飛頓為京內苑之禎石骨  
鎮壁峰稜削瓊四序攸宜奚獨春妙時維青陽上林晃  
耀瞻卿雲之昭彰靄靄霽霽而悠揚倏微陰之肅散蓬

蓬濛濛而汗漫翠華天來羣花香開玉紅紛紫不側不  
摧侍臣進清平之雅宰執拜黃封之杯都人動色雨露  
九垓時禽交鳴風煙層臺此唐堯之黃屋固為非心文  
王之靈囿同樂於民是宜萬口欣謠列城注想而光景  
之娛人每春陰之是賞翁曰書云平秩東作夫體天時  
理民事參贊者責也可略之其二為太液秋風試更賦  
諸天游子曰是池也始於漢盛於唐穿地脈鑿天光納  
星漢幻陰陽昔聞之者多尚於逸於盤茲臨之者惟寄

時行時止其廣千弓其深九仞其瑩若鑒其平如砥水  
鷗曳涼以翻翻大魴映沙而唯唯芙蓉露夕以不凋蘭  
葉風晨而自媚牙檣錦纜寸飾不施楚調吳歎遠聲乍  
來時莫清兮歲之秋矣天所神者風以動之文化之旁  
暢教條之潛飛無非大造之至仁夫豈但金行之發揮  
翁曰詩云魚在于渚或潛在淵蓋理無定在也余所志  
與君殊其三為玉泉垂虹盍構高雅之調可乎天游子  
曰夫泉九地之冷液百谷之奔流或危瀉頂顙或中迸

林邱昔賢品之厥等不一衆嶽鼓之其鳴相酬愛茲玉  
泉天下之望誰其似之垂虹之狀絳采鵬輝陸離蕩漾  
五色直懸下飲千丈掬之珠跳掌中仰之河落天上濯  
之身入冰壺嚙之胷儲雪浪可以供玉堂之蟾腹可以  
美井坊之官釀隱隱轟轟霏霏亭亭泠泠琤琤皓皓冥  
冥太湖之長橋未足擬匡廬之瀑布寧可倫此中邦之  
清氣所鍾而大靈之天巧斯呈翁曰孟子曰原泉混混  
不舍晝夜學貴有本也君賦疎矣其四為西山晴雪昔

有所覩凝睇却立莫措一辭子今以妍辭清余前所責  
於君者天游子曰是山也遠鎮西夏近繫夕輝下凝新  
月上接太微酋奉乎翠通流沙依約乎氣吞月支爾乃  
玄冥司權滕六振威雪花剪空席大車馳其或積素不  
分連岫俱夷五日十日陰飈淒其晝黑雲之解駁漏新  
旭於扶木羌寒峰之撐西照千里之瑤玉華清池上澹  
澹煜煜萬室門前晴泥逐逐兔斂蹤以遠置鷹厲羽而  
去繳惟朝宴之孔驚翔仙風乎天陸亦豈無高卧之夫

乘興之徒閉門返樵於山之南山之北而逍遙天壤以自  
娛而翁以為何如翁曰君子依乎中庸遯世不見知而不  
悔君賦雪而以是託情終焉正余志也而猶未也其五為  
薊門驟雨余嘗遭雨暴至於古道僕馬亦良苦古行路難  
不我誣也君知之否天游子曰道塗之艱者憂患也進德者  
由之風雨之妙者變通也觀化者求之蹇余行役幾半天  
下櫛沐於野風強雨蓋亦屢矣今往來薊門更數寒暑眼中  
奇絕莫如飛雨且驚霆怒而吼地太陰肆其垂天劃斜珠之



賊戶復亂沫之入簷王孫公子則惜樹花之委填梧桐慘  
其生秋楊柳暝而凝晚滴階苔而欲荒浩川流而忽遠騷人墨  
客則歎天氣之黯澹至如雲昏千里鴉啼斷岡飄飄捲瓦  
滑滑霑裳車淖僕痛淋漓未央欲前且却四顧蒼茫凜鐵  
騎之在空駭銀竹之無方若是者人以為虞吾以為適天  
蓋以動心忍性立教士當以遇災修行自力茲特紀翁之  
所嘗經非以寫薊門之春色翁曰孟子曰言近而指遠者  
天下之善言也言得我心之所同然不亦善乎繼是其六

為盧溝曉月請君放言天游子曰昔者盧諶抱不世奇  
節批單提蘆子諒衆人之所不及跡其行事真北方之  
豪傑而功未及見曉月西沒嘗飲馬於此尚長溝之汨  
汨岸莎人立如聞馬嘶水雲旗張如有鬼啼沙磧雲平  
石梁風惡冷澹低徊欲落未落過而知者聽溝水之聲  
憐其忠貞挹溝月之明想其平生過而不知者惟自悲  
光景隨溝中之斷梗興懷鄉井弔月下之孤影尚安省  
世有顛沛獨立如斯人者乎謂余不信試諸越石之酬

唱而陳迹有未已乎翁曰燕趙之士多悲歌慷慨君賦  
至是余乃知不特讀樂毅書為可泣也雖然賢哲往矣  
國有雄圖事有大經余願從君叩之其七為居庸疊翠  
卓彼天險若未易言也而君何以言天游子曰宇內關  
塞顧天以限疆界維茲居庸實國都之襟帶思昔凶殘  
天厭其德更代不常長驅直入惟居庸之難越憤蒼翠  
之中隔車方軌而躊躇馬並馳而辟易爾羊何神其角  
觴觴象若彼羊來飽我食久之人也奔突四出未幾何

年我朝煌煌神武奄旬祚啓無疆自古建國智以濟義  
雖在人和亦由地利大山騰龍小山蹲熊怒者張弓呀  
者裂鍾前旌崇崇後劒叢叢故青蔥蔥新黛重重金湯  
如澌拔地稱雄古今往事之如昨日月流水其何窮尚  
雪天之曠野紛校獵之西東伐獬虎以萬計騁耀兵之  
英風翁曰君言壯哉江山信有助乎易曰湯武革命順  
乎天而應乎人易道信於是乎在其八為金臺夕照可  
悉吐之乎天游子曰燕者召南之故區化自衽席而正

始金臺者昭王之舊築業以騏驥而特起皇元凝命與  
天同槃盤山河以肇域會英髦而廣居環九陸之冠冕  
混萬國之車書名南諸侯之化固已遍乎司牧昭王小  
邦之事安敢擬此宸都日麗五雲萬古太清有日咸仰  
與時偕行前崦嵫之方迫俄黃道之大明蓋日之夕所  
以開乎八紘之曉而乾之元實乃起乎四海之貞是宜  
霽宇紺滑天地陽亨萬植芄芄羣動英英自北而南天  
下化成如日之升則余人以寧紫巖翁乃立而正襟拜

且謝曰長卿淵雲之文芒寒在蜀漢而後歸於三蘇今  
君亦蜀彥也來為燕山八景之賦何湧泉破竹之速歟  
又非掇拾故常鬬奇夸靡萬象林立悉折諸理是亦可  
敬也已天游子稽首再拜復前陳曰東陽八詠惟紀風  
物瀟湘八圖惟詩澤國余聞西都賦以順德者昌之撫  
說行其中東都以有德者王之遺意要其終天朝起兩  
都而億萬斯年蓋丕基平格天之一德即之為躬行心  
德之實溥之為詔令傳後之澤德孰如此大本景特寓

乎衆色不然奇詭之觀闔闢不測散在天地間萬萬無盡而皆可賦也奚獨鋪張揚厲乎燕山之赫奕也哉紫巖翁曰道莫大於此矣君其書之縑楮吾當播之金石既而飭四友以謝不敏翁猶諷詠之不釋於時天秋河明星月澄碧翁揖別竟去天游子曰亟趣裝西還坐待東方之晴白

燕山八景賦

元  
闕名

余嘗與客越吳境道魯封指燕山以遐邁拜帝閣之崇

崇閭闔開於黃道宇宙穆乎皇風客乃問於燕都主人  
曰子燕人也燕之形勝盍為我言之主人曰唯蓋夫燕  
山之為都也界幽冀之分域貫析木之腴區闡軒轅之  
帝畿甸名伯之故墟羣山騰突龍從衆流之匯決潏泚  
融偉皇元其光宅乃京畿乎其中內則瓊島為圓太液  
為池叢以林麓繚以漣漪我我乎鬱鬱乎蓬萊十洲聳  
仙宅於海涯維山之岬呀其成淵澹澹禁宇汎景浮天  
洋洋乎翠水瑤池潏天風而來遷至若暖風東來草木



森碧匪霧匪雲蔽虧天日遠近鏤碎碧之玲瓏上下浮  
輕煙而欲濕秋空如洗蘋飈扇涼霞鶯齊飛老桂騰香  
吹碧浪而鱗開滌玻黎其浮光斯二景也王子皇孫芊  
曼姬姜往往去來乎其傍若乃軒車四達周視郊原踰  
薊門挑玉泉細飛暴點絡野傾厓輕盈飄颻織女垂玉  
綵於天上淋漓滂沛陽侯激海波而來前吠畝溉其膏  
澤民物欲其豐年宛平之西漱玉潺湲踰穿三洞紫紆  
連延若飛若緣若晴蜺之飲百川擁雲氣而下垂亘碧

落而空懸爾乃銅壺漏闌盧溝天曉冰輪西流素光猶  
皎月與水兮相涵水連天兮瀾渺燭石獸之蟠踞洞河  
橋之窈窕其若駕金輪於若木返倒影於扶桑灼爛金  
臺炫耀藩障赫赫煌煌若燭龍銜曜照崑岡帶餘暉兮  
木杪慨今昔兮歎長其西則崇山撐柱大阜岸谷陰涸  
寒冱雪林千尺炫陽暎而不流凝凍光而常白離離皚  
皚皓皓的的恍若寫姑射之神人移雪山於西域又瓊  
樓玉宇之嵯峨重壁連璐之委積也其北則峙以居庸

屹於雄關峭萃弗鬱嵌崿巒嶁列于之蟲蟲凜武士  
之巖巖又如海波之騰立翠光交射而凝寒騷人墨客  
官遊旅寓每賦詠而躋攀偉八景其斯陳卓觀乎寰宇  
蓋一元之會合萬方之綱紀山川鬼神正直以扶持等  
皇天后土而相為終古者也客曰噫嘻子之言美矣然  
猶未也我聖皇之都於此也面嵩高坐雲中右太華左  
岱宗總八荒以立極連萬雉以橫空內則麗正崇天之  
門大明齊化之宮外則孤嶺五臺之律岫潞河滹易之

奔衝邦畿之內厥壤千里燭燭輝輝曷可殫舉昔子虛  
烏有詫以齊楚之事而見哂於亡是今子徒八景之夸  
異其亦未覩夫巨麗者歟言未既余笑謂之曰主人固  
失客亦未為得也夫表裏山河非為國之堅利也騰蓋  
偉觀非以為君之服御也王者之作不患土地之不闢  
而患田野之不治不患城郭之不固而患民心之或二  
故婁敬不以都洛為安吳起不以西河為美且瓊島之  
春孰與仁政之冲融太液之秋孰與義風之激烈居庸

之疊孰與鎮重之主威西山之雪孰與貞白之臣節玉  
泉之垂薊門之飛孰與教雨德澤之流布盧溝之月金  
臺之照孰與道德輝光之煒燁子乃遺其精而究其粗  
後其本而識其末宣足以狀天下之雄圖而昭神武之  
創業者哉二子心服仰天歎息第見明月流輝圓靈空  
碧萬仞燕山一天星極

燕山八景賦

元闕名

余嘗欲航槎沂析木之津匹馬踏燕山之雪觀帝都之

壯麗攬一世之豪傑將俾相如枚乘輩作賦擬兩都以  
揚鴻釐著休烈而未能也客有以燕山八景而請賦者  
余曰嘻子何遺帝王之盛德大業而翫心於文人才士  
細娛之屑屑也邪客曰噫漸離擊筑非明良之賡歌也  
千金駿骨非奉璋之莪我也方今八紘為置六合為羅  
萬國一人四海一家雕題鑿齒莫不摩肩累迹拭目於  
上國之光華也四時覽物之變化當代詞人之歎嗟簞  
蕭行葦皆足美先王之德澤又何必上林校獵之虛夸

者邪曰然則嶽嶽兮森森暮暮兮沉沉翳雜花兮琪樹  
被芳藻兮瑤林遶青兮咫尺隱岑碧兮大尋春容兮  
藹藹護瓊島兮陰陰水光兮冲融滌殘暑兮俱空柳輕  
搖兮疎翠葉乍染兮新紅天邊來下兮黃鵠雲表先度  
兮征鴻涼波兮太液白雲起兮秋風鳴雞兮啁晰朝馬  
行兮蹄跋刺度石橋兮迢迢耿盧溝兮殘月玉獅影兮  
零亂銀蟾光兮瑩徹色蒼蒼兮欲曙望紫雲兮宮闕凭  
高兮晚眺夕陽回兮西照下赤雲兮崢嶸注金臺兮見

耀帶影兮飛朝陽之鵝決皆兮送上林之鳥帝城嚴兮  
催鎖玉鞭爭門兮擾擾有山兮居庸疊蒼翠兮重重據  
秦皇之舊築陪漢帝之新宮肅弋霜之萬騎銜乘乾之  
六龍有山林兮玉泉山聳秀兮泉淵乍收兮殘雨挂雌  
蜺兮連卷爛祥光兮流渚絢彩兮垂天胡僧欲以纏頭  
而起舞壽君王兮萬年西山兮宕蕘雪花如席兮何年  
飄嚴風亟兮不解雖見覓兮難消不知白雪之白兮白  
玉之白行人駐馬兮回頭望遙望迢迢兮薊門天風起



今雲奔分龍瓢之一滴散急雨兮紛紛入帝城兮頃刻  
灑九街兮無塵氛客曰猶未也賦此八景於以見四時  
之景不同也覽此八景何以知九重之德無窮也曰然  
則冰厓寒谷陽和俱到一瓊島也海無鯨波民安鴻澤  
一太液也陽明煥發陰輝勇撤豈止盧溝之殘月也大  
明當空燭於豐蔀豈此金臺之夕照也維城回互盤石  
錯峙壯於居庸之疊翠也望慰時雨奔止淫風大於玉  
泉之垂虹也百官精白以承休德庶可擬西山之晴雪

也九天垂雲四海立水又何啻薊門之飛雨也客曰唯  
唯是為之賦

琅山賦

有序

金趙秉文

在易州境俗謂之郎君山峰巒秀拔頗似少華

尾箕之精琳瑯之英鍾竒孕秀琅山播形帝敕六丁移  
來玉京六鼇負背三山蓬瀛萃兮直上劒拔崢嶸表兮  
獨立霜秋氣橫骨非肉附勢敵天勃呀然而門繚然而  
城其門伊何竅鑿巨靈隔山見山翦碧紛青素月夕啓

白雲晝局其下雷峽隱隱屹屹石崖嵌空龍門天成孰  
劉孰鑿不審不騰飛泉中來華壁河傾或迴而流或迴  
而泓下赴兩洪砢礪雷霆百步之外不聞人聲蘊蘊隆  
隆洞潭窈冥石席可據窪尊可銘浮雲悠悠千古此情  
其城伊何繚以重崕疊嶂環抱中心砥平我我而仙巖  
巖而亭有駢斯指有植斯屏摩雲障日韜河映星千態  
萬狀不可殫名李白杜陵巨然道寧九原骨醉千日豈  
醒瘦武盡隱老任墨卿一朝擲筆萬里騎鯨崆峒九華

天台四明迴絕人境虛標仙經神州奧區燕南福庭可  
杖可屨或仕或耕信步陟降朝昏送迎春山水流秋空  
月明巖泉夜落松風晚清游心太玄何慮何營

遊盤山賦

明唐順之

惟陰陽之陶冶冥顛倒乎兩儀天星隕而為石駭滿山  
之置碁搜萬象以效珍何殊狀而相亞或藉草而羊眠  
諒仙術之幻詐或負屨而虎蹲詫飲羽之神射或鰥鰥  
而欲走類靈鞭之叱咤或屹立而不動豈思婦之所化

既簇隊以縱橫亦累卵而高下紆十步而九曲枉矢乎  
石罅連礪硯之厯盡忽拔起乎孤峰俯子孫之千億儼  
高峙而稱宗倚禪宮而凝睇曠天宇之澄空向之紛紛  
怪石忽若懷寶而藏弓但見夫萬木蓊翳而青蔥一勺  
之泉大旱而不竭兮人言其下潛乎蛟龍女蘿薜荔紛  
披而交映兮七十二寺隱見森羅乎其中疑有悲歌慨  
慷之士不得志而自隱與夫仙靈逸客往來而相從欲  
即之而無路兮時見一二野僧啓巖扉而鳴鐘侈佛廬

之繁夥歷歲久而不蕪饒萬樹之桀栗以衣食乎其徒  
何叢木之岑鬱無一鳥之孤棲餘邊城之殺氣警羽鏃  
而避躋泉觸石而鳴箏松受風而響濤時琤琮而乍噎  
倏悲吟而怒號憶連旬之巡歷饜金鼓之嘈嘈審聞性  
之不異任羣籟之相遭適愜悅而延佇忽四山之暝色  
謝耳目於送迎向僧齋而偃息恍夢景之如醒覺餘興  
之未極晨起慙乎上盤境逾奇而路逾棘方踏躬而俯  
穿又縮足而仰捫驚半踵之在外愁欲度之猿援得平

柯於高頂接雲間之飛翼山童禿而無木響草蟲之唧  
唧岫遠拱而戟森岡近繞而弧彎乃下瞰乎城郭曾不  
盈於一環類黃鵠之再舉見紆曲而覩圓方悲人生之  
局促恒豐蔀以自藏眺溟渤之南匯了碣石之中巉轉  
杭稻於東吳駛萬里之雲帆笑卅鍾而石致曾不及乎  
凌波之艤連岡北矚天設柱桓列墉分戍隔限戎虜把  
都打來孰敢予侮嗤熟夷之桀黠乞哨卒之餘俎雖羹  
火之暫虞疑金城之永固惟山勢之既極俄湧塔之天

造顯佛牙之光怪騰巖空之硤礚覽小道其若斯信精  
神之為寶胡俛仰而成陳忽徬徨以回步悵中心之有  
違足屢却而返顧與流泉以偕逝睠巖阿而長憶豈淹  
留之無心畏簡書之偪仄

醫巫閭山賦

明張升

繫馮翼兮厥初維玄黃兮孰分混鴻濛兮曠莽渺垓圯  
兮無垠迨夫清濁既凝高下以位乾總運化坤儲流峙  
瀦四海於四域奠九州於九地迺醫巫閭之為山獨歸



然於沙窰左環巨浸右瞰長城北斷遼海南抱神京三  
州之所交會九夷之所屏營或高而昂或繚而曲或翼  
以舒或戟以簇儼魚貫而鴈翅像指排而旒屬連乾磊  
砢雄跨朔方氣壓鷗溟勢矯龍驤控并營之井絡鎮幽  
冀之金湯屹雲陽之砥柱孕堪輿之奇祥根幾百里兮  
蟠於后土壁數萬仞兮倚於圓蒼銳標蔭碣石之顛倒  
景浸濡水之洋洋培塿之莫儔豈跬步之可量慨重華  
之肇封亦千載之難忘嘗飛鞚而遐征指鳥道而直進

襲煙草之幽芳聆琴泉之雅韻雨花飄紅玉之碎露葉  
點藍膏之潤銛訝峭壁森森開虎豹之闕汨沒遙岑矗  
矗纚龍蛇之陣望石梁兮矯首盼雲梯兮轉瞬爾乃攀  
古棧輓危闌青峰翠律翠崦噴岼層巖兀砵以下垂複  
嶺宕堯而上干牽蘿動琪樹之枝濯纓掬銀河之湍五  
丁睥睨以智窮六鼇翫肩而力殫捫星辰之芒暈挹灝  
氣之高寒棲予神兮華表劃長嘯兮雲端俯仰玄冥徘徊  
絕頂望金陵兮慷慨顧金臺兮延頸萬壑擁香霧之

區四目盡招提之境聳紺宇於嵐光隱白屋於林影山  
僧歸兮靄雲深仙客去兮草堂靜松柏鬱鬱含晚歲之  
姿桃李芬芬媚芳春之景靡覆載之可容何英靈之遂  
逞蓋將吞秦華躡衡蒿鞭策會稽隳突崆峒彼王屋終  
南之秀天台五老之工胡以方其綺麗比其豪雄也哉  
爰考石室之經徵汗竹之紀封山濬川上肇於虞書祚  
土分茅下接於元史功業圖於丹青險德昭於遐邇典  
常之所具載王者之所禋祀是宜窮山嶽之環富極人

神之華美矣已而斜陽兮澹明緩步兮從容轉窈窕而  
踰險忽邂逅而竒逢繚戟林之攢碧環翠愚之圍紅蔭  
參天之老柏偃閉日之喬松界蒼痕之古砌即玄跡之  
仙踪漱漪瀾之清淺滌煩惋之心宵周旋步武左右登  
陟雙闕對瞰以承霄合殿中施而鎮極複通嬈娟以韜  
光夾窗玲瓏而炫色階級妥墮欄檻曲直重廊廣均列  
戶齊一信靈祇之特異斯殊制之赫奕乃尋龜龍撥莓  
苔摩石刻究從來我皇明之駿興訇宇宙而闢翕東漸

扶桑之津西被崑崙之域北暨黑龍之江南重白雉之  
譯皆梯山而航海咸奉琛而贄璧收輿地歸版圖肆疆  
理八尺籍匪茲山之高信無以表皇仁之盛匪皇仁之  
大又何以顯茲山之德錫之以廟貌之隆厚之以圭袞  
之秩豈惟障幅輳之巨屏亦所以張大君之休澤自今  
於萬斯年等乾坤而並立乃為之歌曰瞻彼閭山維峻  
巖巖摩蒼空兮肇封重華蟠於龍沙鎮天東兮光嶽儲  
精維賢與能衛帝躬兮匪險伊德匪神伊人亮天工兮

煌煌休徵赫赫大明垂無窮兮

御定歷代賦彙卷十六